

rum millionum . octuaginta , & trium mil-
lium , centum , & sexaginta quatuor Mora-
petinorum .

Capitulum Ecclesie Astoricen. pro se,
ac sua Dioecesi unius millionis, ducentorum,
& sexaginta millium , & sexaginta , & octo
Morapetinorum .

Capitulum Ecclesie Abalen. pro se,
ac sua Dioecesi trium millionum , quinquaginta
duorum millium , & quadraginta sex
Morapetinorum .

Capitulum Ecclesie Segobien. pro se, ac
sua Dioecesi duorum millionum , ac ducento-
rum , ac quadraginta septem millium, trecento-
rum , & nonaginta unius Morapetino-
rum .

Capitulum Ecclesie Oxomen. pro se,
ac sua Dioecesi duorum millionum, ducento-
rum , & duorum millium , ducentorum , &
nonaginta novem Morapetinorum .

Capitulum Ecclesie Aurien. pro se,
ac sua Dioecesi unius millionis , centum , &
quinquaginta quatuor millium , centum de-
cem , & octo Morapetinorum .

Capitulum Ecclesie Lucen. pro se , ac
sua Dioecesi quadringentorum, decem, & sep-
tem millium , & septuaginta duorum Mora-
petinorum .

Capitulum Ecclesie Mindonien. pro se,
ac sua Dioecesi ducentorum , & nonagin-
ta trium millium , septingentorum , & qua-
draginta Morapetinorum .

Capitulum Ecclesie Tuden. pro se,
ac sua Dioecesi quingentorum millium , non-
ingentorum , & quinque Morapetinorum .

Capitulum Ecclesie Palentin. pro se,
ac sua Dioecesi trium millionum sexcento-
rum , & nonaginta , & unius Morapetino-
rum .

Capitulum Ecclesie Vallis Soletan. pro se,
ac sua Dioecesi unius millionis , sexcento-
rum , & tredecim millium , quadringento-
rum , & nonaginta duorum Morapetino-
rum .

Capitulum Ecclesie Civitaten. pro se,
ac sua Dioecesi septingentorum , & quatuor-
decim millium ducentorum , & quadragin-
ta sex Morapetinorum .

Capitulum Ecclesie Guadixen. pro se,
ac sua Dioecesi trecentorum , & viginti qua-
tuor millium , centum , & octuaginta octo
Morapetinorum .

Capitulum Ecclesie Almerien. pro se,
ac sua Dioecesi trecentorum , & viginti sex
millium septingentorum , & quinquaginta ,
& unius Morapetinorum .

Capitulum Ecclesie Gadicen. pro se,
ac sua Dioecesi sexcentorum , & sexaginta
septem millium , & quinquaginta novem
Morapetinorum .

Capitulum Ecclesie Granaten. pro se,
ac sua Dioecesi unius millionis quadringen-
torum nonaginta , & octo millium nonin-
gentorum , & quinquaginta septem Mora-
petinorum .

Capitulum Ecclesie Malacitan. pro se,
ac sua Dioecesi unius millionis , trecento-
rum , & nonaginta septem millium , tre-
centorum & quinquaginta sex Morapeti-
norum .

Capitulum Ecclesie Pamilonen. pro
se , ac sua Dioecesi unius millionis, quadrin-
gentorum , & septuaginta duorum millium,
centum , & quinquaginta quinque Mora-
petinorum .

Capitulum Ecclesie Canarien. pro se ;
ac sua Dioecesi quingentorum decem , &
octo millium , sexcentorum , & duorum
Morapetinorum .

Abbatia de Alfaro octuaginta novem
millium quingentorum , & octuaginta se-
ptem Morapetinorum .

Abbatia de Agreda centum , & quin-
quaginta sex millium , septingentorum , &
octuaginta Morapetinorum .

Vicaria de Alva de Liste centum , &
septuaginta novem millium , centum , &
septuaginta septem Morapetinorum .

Vicaria de Huescar centum , & trigin-
ta trium millium , octingentorum , quadra-
ginta , & unius Morapetinorum .

Abbatia de Baza centum , & quinquaginta
octo millium, centum viginti , & unius
Morapetinorum .

Milites Militie Sancti Jacobi duorum
millionum , noningentorum , & undecim
millium , sexcentorum , & triginta quatuor
Morapetinorum .

Milites Militie de Calatrava, duorum
millionum , centum , & octuaginta trium
millium , septingentorum , ac viginti qua-
tuor Morapetinorum .

Milites Militie de Alcantara unius
millionis , noningentorum , & trium mil-
lium , septingentorum , & septuaginta Mora-
petinorum .

§.3. Insuper quod aliquis de comprahen-
sionis in predicta concessione , & proroga-
tione cuiusvis dignitatis, preeminentie, Or-
dinis , & religionis existat , non eximetur,
neque dictus Philippus Rex consentiet , ne-
que permittet , quod se eximat a solutione ,
& contributione rate illum tangentis dicto-
rum ducentorum , & quinquaginta millium
ducentorum quolibet Anno dictis quinque
Annis durantibus ; & quod si per Nos , aut
dictum Philippum Regem aliquis exemptus
esset , aut eximeretur , ex dictis personis ,
vel Militiis , Ordinibus , aut quavis alia di-
gnitate fulgentibus , sic comprahensus in
dicta concessione , & prorogatione , idem
Philippus Rex fieri mandabit justam , &
equalem refectionem , & satisfactionem
pro illis admittendo a dictis Ecclesiis ad bo-
num computum ratam huiusmodi respecti-
ve ducentorum , & quinquaginta millium
ducentorum .

§.4. Rursus quod quelibet persona , cu-
iuscumque dignitatis , & qualitatibus existant ,
quae percipiant , & percipient pensiones
comprahendi debeant , & nullo modo sint
exemptae ad effectum contribuendi ad instar
aliorum reddituum decimalium in divisione
huiusmodi ducentorum , & quinquaginta
millium ducentorum . Non obstant quacum-
que clausula , exemptione , prerogativa ,
ordinatione , & obligatione , etiam in for-
ma Camerae in sui favorem factis .

§.5. Quodque decimae , & tertiae , quas
idem

Nullus exem-
ptus sit .

Neque etiam
illi , qui pen-
siones perci-
piunt .

1630.
Decimar libe-
re onere de-
clarantur .

idem Philippus Rex habet , & quocumque
modo possidet , vel alias vendidit , aut im-
pignora vit , cum evictione , & securitate
ac promissione , quod sint , & esse debeant
liberae a divisione , & subsidio , & qualibet
alia impositione apostolica , remanere de-
beant liberae , & salva a solutione , & re-
partitione ducentorum , & quinquaginta
millium ducentorum , absque eo
quod hac de causa , vel aliqua alia , etiam
extra contentas , & expressas in presenti
concordia aliquid minuatur ex summa du-
centorum , & quinquaginta millium duca-
torum .

Non tamen
illiquas Ec-
clesias , Col-
legia &c. pos-
sident .

§.6. Reliquae vero tertiae decime huius-
modi , & aliae primitiae , per quascumque
Ecclesias , Collegia , Universitates , Mona-
stera , & quascumque alias personas posses-
sa , & percepta quocumque titulo , iure ,
consuetudine , seu privilegio fuerint , rema-
neant comprahensa , & contribuere de-
beant in dicta divisione ducentorum , &
quinquaginta millium ducentorum huius-
modi .

Vacantibus
Episcopali-
bus & Archiepi-
scopalibus Se-
dibus , eorum
redditus pos-
sit ipse Rex
percipere in-
tuitu predi-
ctae summae .

§.7. Insuper quod dictus Philippus Rex
recipere debeat , & recipiat ad compu-
tum omne id, quod tanget , & fuerit iuste af-
signatum , & distributum mensis Archiepis-
copalibus , & Episcopalibus ducentorum Re-
gnorum Castelle , & Legionis , pro toto
tempore, quo Sedes vacabunt, intuitu dicto-
rum ducentorum , & quinquaginta millium
ducentorum .

Brachium se-
culari debet
dictae solutio-
ni operi pra-
stare .

§.8. Quod idem Philippus Rex debeat
mandare dari , & relaxari quascumque pro-
visiones , & Literas necessarias ad effectum ,
ut Brachium seculare det , & praestet favo-
rem , & auxilium ad executionem , & exa-
ctionem dictae divisionis praedictorum du-
centorum , & quinquaginta millium duca-
torum , & expensarum desuper faciendarum ,
& ut negotia praesentem concordiam , &
contributionem , vel earum expensas tan-
gen. non ducantur , vel trahantur in audien-
tias Regias per viam gravaminis , neque ip-
sa Regiae audientiae in illis se intromittant .

Judices &c.
debent rela-
xare manda-
ta ad effe-
ctum predi-
ctum .

§.9. Quodque Judices Commissarii
Apostolici exequutores generales dictae con-
cessionis , & prorogationis decernere , &
relaxare teneantur provisiones , & subde-
legationes Judicum , & omnia recapita neces-
saria pro recuperatione subsidii prorogati
huiusmodi , & expensarum .

Omnia cre-
dita Capitu-
li &c. etiam
per viam Ju-
dicii , possunt
recuperari .

§.10. Quodque omnia credita Capituli,
Dignitatum , vel Canonicorum possint re-
cuperari coram Judicibus subdelegatis, nem-
pe debita , ad quae tenentur ipsorum oeco-
nomi , reddituarii , & affluarii , aliique de-
bitores ; etiam si ipsi aliquam in hoc expe-
riantur difficultatem , & debitores non se
submiserint jurisdictioni Commissarii gene-
ralis , & ejus subdelegatorum ; etiam si sint
subiecti aliis Judicibus ; quamvis huiusmodi
credita proveniant ex fructibus , seu reddi-
tibus , de quibus debeat , & solvi debeat
subsidium , & dummodo non excedat quan-
titem , quae uniceque fuerit repartita , nec
sint debita decotae , nec debitores intenta-
verint causam graduationis , & alias prout

continetur in instructionibus , ac provisio-
nibus , & scripturis super praemissis datis .

§.11. Quodque cum per pragmaticam
a dicto Philippo Rege de anno 1622. publi-
catam , inter alia prohibeatur , ne in scri-
pturis concessionum , sive arrendamento-
rum , reddituum , & debitorum submissio-
nes Judicibus specialibus , neque salaria
solvenda personis , quae ad illas exequen. se
conferre debent , poni possint , per hoc non
intelligantur prohibitas fuisse dictas sub-
missiones , & salaria in redditibus ecclesiasti-
cis , de quibus solvitur subsidium , & excu-
satum , sed in scripturis dictorum reddi-
tuum ecclesiasticorum , super quibus impo-
sita sint gratiae huiusmodi , possint poni sub-
missiones , & salaria iisdem prorsus modo ,
& forma , quibus fieri consueverat , ante-
quam pragmatica huiusmodi promulgaretur ,
alioquin praesens concordia similiter
nulla sit eo ipso .

Etiam si per
pragmaticam
ab ipomet
Rege publi-
catam sit pro-
hibitum .

§.12. Et quoniam praedictus Philippus III.
anno 1617. iussit expediri quamdam re-
giam cedulam ad effectum , ut in concilio
Justitiae adesset quoddam Tribunal , seu Au-
la , in quo , seu qua terminarentur compe-
tentiae , quae occurrerent inter Consilium
Cruciatum , ejusque subdelegatos , & mini-
stros ex una , ac alia Tribunalia , & Judices
dictorum Regnorum ex altera partibus , &
istud similiter concessit Regno in comitis
congregato , & fuit una ex conditionibus in
conventionem , seu concordiam super servitio
millionum inita positus , & adjectis , &
quamvis se obtulerint aliqui casus , in qui-
bus Decretum circa dictam Aulam compe-
tentiae , seu incompetentiae Judicum factum
executioni mandari potuisset ; id nihilo-
minus propter incommoda , quae fuerunt
exposita , factum minime fuit .

Cum Philip-
pus quoddam
Tribunal ju-
sticiae erigi ;

§.13. Et ultimo loco praedictus Philip-
pus Rex propositis per Consilium Cruciatum ,
& Congregationem Status Ecclesiastici in
Congregatione habita anno 1624. dictis in-
commodis , idem Philippus Rex per suum
Decretum commiserit Praesidi Castellae ,
quod pro tunc nihil innovaretur circa exa-
ctionem superius mandatorum ; idcirco con-
venerunt , quod nihil innovetur circa ere-
ctionem dictae Aulae competentiae , seu in-
competentiae Jurisdictionum , sed quod om-
nes lites , & negotia tangen. dictum Crucia-
tum Consilium tractentur , prosequantur , &
terminentur private in Tribunalibus suo-
rum subdelegatorum , & in praedicto Consi-
lio , perinde , ac si dicta regia cedula , &
concessio dicto Regno facta non emanaf-
sent modo , & forma , quibus eatenus tra-
ctata fuerant , alioquin praesens gratia pari-
ter nulla sit eo ipso .

Postea per
Congregatio-
nem habitam
ipse Rex , ut
nihil innova-
retur circa
hoc Tribu-
nal , iussit .

§.14. Praterea , ut pro parte dictorum
Philippi Regis , & Status Ecclesiastici praedi-
ctorum Regnorum supplicetur Nobis , quod
concederemus Breve , quo confirmaremus ,
& approbaremus dictam concordiam , quam
teneantur adimplere omnes Ecclesiae dicto-
rum Regnorum , tam illa quarum procura-
tores ibi aderant , quae majorem partem
constituunt , quam illa , quarum procura-
tores

Petenda Pon-
tificia Con-
cordiae cog-
firmatio .

Commissarii Generalis, & subdelegatorum minus quale esse debeat.

tores erant absentes, aut non subscripserunt se hujusmodi concordia.

§.15. Rursum quod Commissarius generalis dicta concessionis, seu prorogationis, det & dare debeat provisiones, & subdelegationes Judicum subdelegatorum, & quod dicti subdelegati sint, & esse debeant de gremio Capituli, ut moris est, pro dicta recuperatione faciendae, & quando ad dictum Commissarium generalem fuerit appellatum per viam gravaminis, quod aliquis sibi in dicta contributione, & exactione illatum pretendat, si aliquas literas, seu provisiones decerneret super ista materia, non suspendat per eas solutionem, neque impediat, quin subdelegati possint procedere ad executionem praedictae exactionis, & super omnibus Justitiam administret, & alias prout in publico desuper a dilecto filio Joanne de Talavara Scriba Regio, & publico Notario, sub die 19. Mensis Junii 1629. confecto Instrumento plenius dicitur contineri.

Pontifex Concordiam confirmat.

§.16. Cum autem tam Philippus Rex, quam Capitula, & Status Ecclesiasticus Regnorum Castellae, & Legionis hujusmodi cupiant concordiam praedictam pro illius majori validitate apostolica confirmationis robore communiti, Nobis propterea humiliter supplicari fecerunt, ut in praemissis opportune providere, de benignitate apostolica dignaremur; Nos qui honestis Philippi Regis, & Capitulorum praedictorum votis libenter annuimus, eaque favoribus prosequimur opportunis, eundem Philippum Regem, & singulares personas Capitulorum hujusmodi, a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus quomodolibet innodate existant, ad effectum praesentium dumtaxat consequendum, harum serie absolventes, & absolutas fore censentes, necnon concordiae, & instrumenti praedictorum veriores tenores praesentibus pro expressis habentes, hujusmodi supplicationibus inclinati, concordiam hujusmodi, & inde sequuta quaecumque, etiam si ad exactionem pecuniariam in eadem concordia contentarum, etiam ante hujusmodi nostram confirmationem, in totum, vel in partem sit processum, apostolica auctoritate, tenore praesentium, confirmamus, & approbamus, illisque perpetuae, & inviolabilis apostolicae firmitatis robur adjicimus: suppletentes omnes, & singulos, tam juris, quam facti defectus, si qui forsan intervenierint in eisdem, eaque tam quoad Capitula, quae in dicta concordia intervenerunt, & illi consenserunt, quam quoad alia Capitula, quae nullo modo praesenti concordiae, & distributioni interfuerunt, nec illis consenserunt, etiam si S. R. E. Cardinales fuerint Ecclesias, & alia beneficia possidentes, necnon decimas, primitias, & alios fructus in dicta concordia expressos exigentes, valida, & efficacia esse, ac per eos om-

nes inviolabiliter observari debere, illoque ad illorum omnium observationem, & solutionem omnibus viis, ac juris, & facti remediis, cogi, & compelli posse, & debere decernimus: absolventes etiam, si opus fuerit, tam ipsum Philippum Regem, quam quoscumque ejus ministros, necnon quoscumque ecclesiasticas, tam seculares, quam regulares personas, a quibusvis censuris, & poenis, si quas propter praemissa quomodolibet incurrerint, etiam si in irregularitatem aliquam inciderint, ac Missas, & alia divina officia interim, non tamen in contemptum clavium celebraverint, super qua irregularitate, sic per eos forsan quomodolibet contracta, harum serie dispensamus, nec propterea fructus Ecclesiarum, & Beneficiorum obtentorum suos non fecisse dici, aut censeri posse declaramus, ac ab eis omnem inhabilitatis maculam, sive notam, si quam propter praemissa quomodolibet incurrerint abolemus, eosque in pristinum, & cum, in quo ante praemissa quomodolibet erant statum, in omnibus, & per omnia restituimus, reponimus, & plenarie reintegramus, ac restitutos, repositos, & plenarie reintegratos per praesentes nunciamus.

Absolvit ipsum Regem, si aliquas incurrit censuras.

§.17. Caterum ad obviandum litibus, & controversiis, quae inter personas ecclesiasticas oriri possent, harum serie declaramus, ad contributionem solutionum hujusmodi concordiae vigore faciendarum, Monasteria, & alia loca pia quaecumque, respective etiam eorumdem bonorum, quae vulgo dicuntur de la Branza, & Crianza, quae vix pro usu, & victu personarum eorumdem Monasteriorum, & piorum locorum inserviunt, teneri, & obligatos fore.

Ad solutionem etiam Monasteria, & alia loca pia teneri, declarata.

§.18. Sicque in praemissis omnibus, & singulis, per quoscumque Judices, & Commissarios, quavis auctoritate fungentes, etiam Sacri Palatii Apostolici Auditores, & ejusdem S. R. E. Cardinales ubique judicari, ac definiti debere: irritum quoque, & inane, si secus super his a quoquam, quavis auctoritate, scienter, vel ignoranter, contigerit attentari, decernimus.

Claustra sublata.

§.19. Et nihilominus Venerabili Fratri moderno, & dilectis filiis, nostro, & Apostolicae Sedis apud dictum Philippum Regem nunc, & pro tempore existenti Nuncio, & Commissario generali Cruciate in Regnis praedictis per praesentes committimus, & mandamus, quatenus ipsi, vel alter eorum, per se, vel alium, seu alios praesentes Literas, & in eis contenta quaecumque, ubi & quando opus fuerit, & quoties pro parte dicti Philippi Regis, & singularum personarum praedictarum fuerint requisiti, solemniter publicantes, ad executionem eorum omnium, quae in dicta concordia continentur, procedant, & per eos, ad quos spectat, eadem observari curent, & faciant; necnon eisdem Nuncio, & Commissario generali injungimus, quod ubi, & quoties super repartitione, & aliis in dicta concordia contentis, aliquas differentias exortas fuisse compererint, illas absque

Nuncio Apostolice ut hanc concordiam observari faciat, mandat.

retar-

Obstantia tollit.

retardatione solutionis, juxta repartitionem factam, & faciendam, iudicio eorum aequaliter componant, & terminent, justitiam partibus ministrando. Nos enim eisdem tam praemissa peragendi, quam quidquid super praemissis statuerint, omni, & quacumque appellatione remota executioni debite demandandi, necnon contraditores quoslibet, & rebelles, per opportuna juris, & facti remedia, ac demum per sententias, censuras, & poenas ecclesiasticas, appellatione postposita compescendi, legitimumque super iis habendis servatis processibus, sententias, censuras, & poenas ipsas, etiam iteratis vicibus aggravandi, auxiliumque brachii secularis invocandi, plenam, & liberam facultatem concedimus.

Obstantia tollit.

§.20. Non obstantibus fel. rec. Bonifacii PP. VIII. Praedecessoris nostri de una, & in Concilio generali edita de duabus, dummodo ultra tres dietas aliquis auctoritate praesentium ad iudicium non trahatur, aliisque Constitutionibus, & Ordinationibus Apostolicis, necnon quibusvis etiam juramento, confirmatione apostolica, vel quavis firmitate alia roboratis, statutis, & consuetudinibus, legibus etiam municipalibus, privilegiis quoque, indulgentiis, & Literis Apostolicis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis, in genere, vel in specie, etiam Motu proprio, ac de apostolica potestate plenitudine, ac aliis quomodolibet, etiam iteratis vicibus concessis, approbatis, & innovatis. Quibus omnibus, & singulis, etiam si de illis, eorumque totis tenoribus, specialis, specifica, & expressa mentio habenda, aut aliqua alia exquisita forma, ad hoc servanda foret, tenores hujusmodi, ac si de verbo ad verbum infererentur praesentibus pro expressis habentes, illis aliis in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque. Necnon omnibus illis, quae in dicta concessionem primae decimae hujusmodi expressum est non obtare; seu si aliquibus communiter, vel divisim ab eadem sit Sede indulto, quod interdicti, suspendi, aut excommunicari non possint per Literas Apostolicas non facientes plenam, & expressam, ac de verbo ad verbum, de indulto hujusmodi mentionem.

Cardinales a praedicta contributione eximit.

§.21. Caterum eisdem S. R. E. Cardinales tantum, quibus pensiones annuae super fructibus Ecclesiarum Cathedralium, aut Metropolitanarum, & aliorum Beneficiorum ecclesiasticorum reservata, seu ipsi fructus, vel eorum pars loco pensionum reservati reperiuntur, a praemissa contributione, quoad ipsas pensiones, & reservationes fructuum, volumus exemptos esse.

Fides danda transumptis.

§.22. Quodque praesentium transumptis, etiam impressis, manu alicujus Notarii publici subscriptis, & sigillo personae in dignitate ecclesiastica constitutae muni-

tis, eadem prorsus fides in iudicio, & extra adhibeatur, quae ipsis originalibus adhibetur, si forent exhibitae, vel offensa. Datum Romae apud S. Mariam Majoris, sub Annulo Piscatoris die 20. Septembris 1630. Pontificatus nostri Anno VIII.

Dat. die 20. Septembris 1630. An. VIII.

CCCXLVIII.

Ven. Joannes Dei Congregationis hujus nominis Fundator in Beatorum Confessorum numerum refertur cum concessione Indulti recitandi Officium, & Missam celebrandi de eo.

De his Fratribus vide Const. CXXXI. Pauli V. Inter alias. Tom. V. Par. III. fol. 363.

URBANUS PAPA VIII.

Ad perpetuam rei memoriam.

IN Sede Principis Apostolorum, nullis licet nostris suffragan. meritis, divina providentia constituti ad ea, per quae Servorum Christi veneratio in terris promovetur, & laudetur Dominus in Sanctis suis, pastoralis muneris nostri partes propensis studiis impendimus, prout pia Christianitatis, & praesertim Catholicorum Regum, & Principum vota exposcunt, Nosque conspiciamus in Domino salubriter expedire.

Procurium.

§.1. Sane nomine dilectorum filiorum Majoris, & aliorum Confratrum Congregationis Joannis Dei sub Regula S. Augustini Nobis nuper expositum fuit, quod transmissis de mandato nostro ad Ven. Fratres nostros Sanctae Romanae Ecclesiae Cardinales sacris Ritibus praepositos processibus apostolica auctoritate fabricatis, & in sacro Rotae Auditorio examinatis super sanctitate, virtutibus, & miraculis Servi Dei Joannis de Deo Fratrum vulgo (Fate ben Fratelli) nuncupatorum Fundatoris, iisque in Congregatione eorumdem Cardinalium per plures sessiones acerrime discussis, citato etiam, & audito prius super iisdem, ut moris est, dilecto filio Promotore fidei, cognito primum de validitate processuum, deinde de virtutibus heroicis, ac demum de miraculis in vita, & post mortem ab omnipotenti Deo intercessione dicti sui servi patris, referente dilecto filio nostro Petro Maria S. Georgii Diacono Cardinale, iisdem Cardinales unanimi consensu pronuntiarunt, tuto posse, quodcumque Nobis placuerit, ad solemnem Canonizationem dicti Joannis de Deo deveniri, & interim Beatum nuncupari, ac Missam, & Officium de eo ut infra recitari, & celebrari. Quare pro parte non solum Majoris, & Confratrum praedictorum, verum etiam charissimorum in Christo filiorum nostrorum Ferdinandi Romanorum Regis in Imperatorem electi, ac Philippi Hispaniarum Regis Catholici, & charissimae in Christo filiae nostrae Isabellae Hispaniarum Reginae Catholicae, aliorumque Christianorum Principum Nobis fuit hu mili-

Ad petitionem hic eorumdem.

Concedit ut
V. Joannes
de Deo Beatus
nuncupari, &
de eo Missas
celebrari, ac
Officium reci-
tari possit,
ut hic.

humiliter supplicatum, ut interim, donec ad solemnem Canonizationem dicti Joannis de Deo deveniatur, idem servus Dei Joannes de Deo Beatus nuncupari, atque Officium, & Missa de eo ut infra celebrari possit.

§.2. Nos piis Ferdinandi Regis in Imperatorem electi, ac Philippi Regis, & Isabelle Reginae, aliorumque Principum necnon Majoris, & aliorum Confratrum praedictorum votis in praemissis, quantum cum Domino possumus, benigne annuere volentes, hujusmodi supplicationibus inclinati, de eorumdem Cardinalium consilio, ut ipse Servus Dei Joannes de Deo in posterum Beatus nuncupari, ac de eodem ab omnibus dictae Congregationis Regularibus ubique existentibus quotannis in die ejus obitus Officium recitari, & Missa celebrari de communi Confessoris non Pontificis ritu duplici majori per annum juxta rubricas Breviarii, & Missalis Romani, & quoad missam etiam per alios Regulares, & Seculares Sacerdotes ad eorum Ecclesias confluentes: In Civitate vero Granaten, nempe in Ecclesia, ubi ejus sacrum Corpus requiescit, & in Terra nuncupata Monte mor il novo, ubi natus est, in omnibus Ecclesiis, tam Regularium, quam Secularium Officium, & Missa ritu duplici minore recitari, & celebrari possit, & valeat; Ac pro praesenti anno dumtaxat Major, & alii Confratres dictae Congregationis solemnem Beatificationem cum Missis in die eis benefisa hic Romae in Ecclesia S. Joannis Calabiae, necnon alii Sacerdotes tam Regulares, quam Seculares ad dictam Ecclesiam eo die confluentes cum eadem Missa juxta rubricas se conformare libere valeant, apostolica auctoritate, tenore praesentium facultatem concedimus, & impartimur.

Contraria
vult.

§.3. Non obstantibus Constitutionibus, & ordinationibus Apost. ceterisque contrariis quibuscumque.

Transumptis
credi man-
dat.

§.4. Volumus autem, quod praesentium transumptis etiam impressis, manu alicujus Notarii publici subscriptis, & sigillo alicujus personae in dignitate ecclesiastica constitutae munitis eadem prorsus fides ubique adhibeatur, quae ipsis praesentibus adhibetur, si forent exhibitae, vel ostensa.

Dat. die 21.
Septem. 1630
An. VIII.

Datum Romae apud Sanctam Mariam Majorem sub annulo Piscatoris die 21. Sept. 1630. Pontificatus Nostri Anno Octavo.

Concessio Plenariae Indulgentiae in Urbe ad agendas gratias Deo pro praeservatione dictae Urbis, aliarum Civitatum, ac Provinciae Italiae a dira epidemia, seu pestis vexatione, & ad divinae operum implorandam pro earumdem conservatione, & aliarum dictae vexationi obnoxiarum liberatione. Necnon extensio praedictarum omnium Indulgentiarum ad universam Italiam, & Insulas ei adjacentes. Ac prorogatio earum ad alios tres menses.

URBANUS PAPA VIII.

Dilectis filiis Clero, & Populo Romano, ac aliis Christianidelibus salutem, & Apostolicam benedictionem.

Patet misericordiarum, & totius consolationis Deus votis nostris clementer annuens, Almam Urbem nostram, & multas alias Italiae Civitates, & Provincias a dira epidemia lue, aliisque belli, & famis calamitatibus, & periculis immunes hactenus conservavit. Quamobrem cum in Nos caelestium gratiarum dona omnino exigunt, ut majores, quas possumus, divina Majestati gratias concordibus, & efficacibus affectibus agamus, eumque humillime deprecemur, ut praedictam Almam Urbem nostram, ac Civitates, & Provincias praedictas, reliquaque totius Christiani Orbis partes praeservare, illas vero, quae praedictis afflictionibus obnoxiae existunt, liberare, ac praesentibus Ecclesiae necessitatibus subvenire dignetur, ut si divina placuerit bonitati, orationes exaudiantur, & fiat super nos misericordia Altissimi speciosa in tempore tribulationis. Hoc autem, ut fructuosius, & majori cum spiritu ardore peragatur, ex veteri Ecclesiae Romanae omnium Matris, & Magistrae more ejusdem Ecclesiae thesauros, quorum dispensatores a Domino constituti sumus, proferre, & erogare decrevimus.

Causa hujus
concessio.

§.1. Itaque de omnipotentis Dei misericordia, ac Bearorum Petri, & Pauli Apostolorum ejus auctoritate confisi, ex illa ligandi, atque solvendi potestate, quam Nobis Dominus, meritis minime suffragantibus, contulit, universis, & singulis Christi fidelibus, qui spatio trium mensium proxime decurrendorum in aliqua ex sextis feriis cujuslibet hebdomadae jejunaverint, ac confessi, & sacra communione saltem in die Dominica immediate sequente refecti fuerint, propriamque Parochialem, seu unam ex infra scriptis tribus Ecclesiis Urbis, nempe Lateranensem, Principis Apostolorum, & in ea situm Altare Sancti Michaelis Archangeli nuncupatum, aut Sanctae Mariae Majoris Basilicas, sive Ecclesiam Nationalem, quoad ipsius Ecclesiae Nationales, eadem hebdomada respective visitaverint, ibique ut supra, ac etiam pro Christianorum Principum concordia, haereseum extirpatione, ac Sanctae Matris Ecclesiae exaltatione pias ad

Concessio Ju-
bilaei, de quo
in Rubr.

ad Deum preces effuderint, eleemosynasque sibi beneficas erogaverint, plenariam omnium peccatorum suorum indulgentiam, & remissionem misericorditer in Domino concedimus.

Prescriptio
alterius for-
mae pro vo-
lentibus sibi
eligere Con-
fessionem cum
facultatibus,
ut hic.

§.2. Iis, qui praeterea intra dictos tres menses septem hebdomadarum sextis feriis jejunaverint, & aliquam Ecclesiarum, seu Basilicarum praefatarum isdem hebdomadis etiam devote visitaverint, licentiam insuper concedimus, & facultatem damus, ut possint sibi ad hunc effectum eligere quemcumque Presbyterum confessorium, tam secularem, quam cujusvis ordinis regularem ex approbata a dilecto filio nostro in Alma Urbe nostra praedicta Vicario in spiritualibus generali, qui eos ab omnibus excommunicationibus, suspensionibus, & aliis ecclesiasticis sententiis, & censuris a jure, vel ab homine quavis causa latis, seu inflatis, necnon ab omnibus peccatis, excessibus, criminibus, & delictis, quantumvis gravibus, & enormibus, etiam locorum Ordinariis, sive Nobis, & Sedi Apostolicae, etiam in literis die Coena Domini legi solitis, contentis, & alias per quascumque nostras, aut Romanorum Pontificum Praedecessorum nostrorum constitutiones, quarum tenores praesentibus haberi volumus pro expressis, quomodocumque reservatis, in foro conscientiae, & hac vice tantum, non tamen a crimine haereseos, absolvere, & liberare valeat. Et insuper vota quaecumque (Religionis, & Castitatis exceptis) in alia pia, & salutaria opera commutare, injuncta tamen eis, & eorum cuilibet in supradictis omnibus casibus, poenitentia salutaris, aliiisque ejusdem Confessarii arbitrio, injungendis.

Prescriptio
pro Regula-
ribus, & aliis
impeditis.

§.3. Regularibus autem personis utriusque sexus in Claustris perpetuo degentibus, necnon aliis quibuscumque, tam laicis, quam Ecclesiasticis secularibus, & regularibus in carcere existentibus, vel aliqua corporis infirmitate, seu alio quocumque impedimento detentis, qui supra expressa, vel eorum aliqua praestare nequiverint, ut Confessarius, quem, ut supra elegerint, praedicta omnia, & singula, vel eorum aliqua, in alia pietatis opera commutare possit, pariter concedimus, & indulgemus.

Duae resti-
tiones predi-
ctarum facul-
tatum.

§.4. Non intendimus autem per praesentes super aliqua irregularitate publica, vel occulta, nota, defectu, incapacitate, seu inhabilitate quocummodo contracta dispensare, vel aliquam facultatem tribuere dispensandi, seu habilitandi, & in pristinum statum restituendi, etiam in foro conscientiae. Neque etiam easdem praesentes iis, qui a Nobis, & Apostolica Sede, vel ab aliquo Praelato, seu Judice ecclesiastico excommunicati, suspensi, & interdicti, seu alias in sententiis, & censuris incidisse declarati, vel publice denunciati fuerint, nisi infra tempus, ut supra praefixum satisfecerint, aut cum partibus concordaverint, ullo modo suffragari posse, aut debere.

Contrariis
derogatio.

§.5. Non obstantibus Constitutionibus, & Ordinationibus Apostolicis, praesertim, Bull. Rom. Tom. VI. Par. I.

quibus facultas absolvendi in certis tunc expressis casibus ita Romano Pontifici pro tempore existenti reservatur, ut nec etiam similes, vel dissimiles Indulgentiarum, & facultatum huiusmodi concessiones, nisi de illis expressa mentio, aut specialis derogatio fiat, cuiquam suffragari queant, ac quorumcumque Ordinum, Congregationum, sive institutorum regularium, etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & literis apostolicis eisdem Ordinibus, & Congregationibus, atque institutis quomodolibet concessis, approbatis, & innovatis. Quibus omnibus, & singulis, etiam si de illis, eorumque totis tenoribus, specialis, specifica, & individua, non autem per clausulas generales idem importantes, mentio, seu quavis alia expressio habenda, aut aliqua alia exquisita forma ad hoc servanda foret, illorum tenores praesentibus pro sufficienter expressis, ac formam eorum traditam pro servata habentes, hac vice specialiter, nominatim, & expresse ad effectum praesentium derogamus, ceterisque contrariis quibuscumque.

Dat. die 9.
Julii 1630
An. VII.

Datum Romae apud Sanctam Mariam Majorem, sub Annulo Piscatoris die 9. mensis Julii 1630. Pontificatus Nostri Anno Septimo.

Sequitur Extensio praedictarum Indulgentiarum ad universam Italiam, Insulasque ei adjacentes.

URBANUS PAPA VIII.

Ad futuram rei memoriam.

Nuper a Nobis emanarunt literae tenoris subsequentis, &c. Omissis tenoribus ipsius constitutis, quia est praesentibus.

Petitiones pro
hac extensio-
ne.

§.1. Cum autem sicut multi Venerabiles fratres Archiepiscopi, & Episcopi, necnon dilecti filii nobiles viri, Duces, Principes, & alii Magnates in Italia, & Insulis illi adjacentibus Nobis nuper exponi fecerunt, ipsi ut etiam fructuosius, & majori cum spiritu ardore divinam operam in praesentibus Ecclesiae necessitatibus implorent, praesentibus literas nostras ad universos Italiae, & Insularum praedictarum Christianidelibus extendi, summopere desiderant.

Extensio, de
qua in Rubr.

§.2. Nos pro ea, qua eorumdem Christianidelium animarum saluti jugiter invigilamus, paterna charitate, ut illi tam pretiosi Ecclesiae Thesauri participes fiant, providere volentes, piis Archiepiscoporum, Ducum, Episcoporum, Principum, & aliorum Magnatum votis, quantum Nobis ex alto conceditur, annuendum duximus. Idcirco hujusmodi supplicationibus inclinati, praesentibus literas nostras cum omnibus, & singulis in eis contentis concessionibus, facultatibus, indultis, clausulis, & decretis ad universos utriusque sexus Christianidèles seculares, & regulares in Italia, & Insulis praedictis existentes, necnon Ecclesias per

H h Ordii

Ordinarios locorum, seu per alios de eorum mandato designandas, & Confessarios ab iisdem Ordinariis approbatos, seu approbandos spatio trium similiter mensium a die publicationis presentium in dictis locis faciendae inchoando, durante, apostolica auctoritate, tenore presentium extendimus, praefatisque Christianis fidelibus, necnon Ecclesiis, & Confessariis concessionem, facultates, & indulgentias cum clausulis, & decretis huiusmodi auctoritate, & tenore praedictis communicamus.

Contrariis obrogatio.

§.3. Non obstantibus, quatenus opus sit, nostra de non concedendis Indulgentiis ad instar, ac omnibus illis, quae in dictis literis concessa sunt non obstat, ceterisque contrariis quibuscumque.

Fides transumptorum.

§.4. Volumus etiam impressis, manu alicujus Notarii publici subscriptis, & alicujus personae in dignitate ecclesiastica constitutae sigillo munitis, eadem prorsus fides ubique adhibeatur, quae adhiberetur ipsis presentibus si forent exhibitae, vel ostense.

Dat. die 17. Julii 1630. An.VIII.

Datum Romae apud S. Mariam Majorem, sub Annulo Piscatoris die 17. Julii 1630. Pontificatus nostri Anno septimo.

Sequitur Prorogatio eorundem ad alios tres Menses.

URBANUS PAPA VIII.

Ad perpetuam rei memoriam.

Pontifex edit Constitutionem praesertim.

§.1. Nuper a Nobis emanarunt Literae tenoris subsecquentis, videlicet: Dilectis filiis Clero, & Populo Romano. Haec Constitutio est praesertim, & ideo praesertim.

Et eam extendit, ut in immediate antecedenti.

§.2. Et subinde multorum venerabilium fratrum Archiepiscoporum, & Episcoporum, necnon dilectorum filiorum virorum, Ducum, Principum, & aliorum Magnatum in Italia, & Insulis illi adjacentibus existentium supplicationibus Nobis super hoc humiliter porrectis inclinatis, praesertim literas nostras concessionis Indulgentiarum, ac facultatis eligendi Confessarium cum omnibus, & singulis in eis contentis, indulgentiis, clausulis, & decretis, ad universos utriusque sexus Christianos seculares, & regulares tunc temporis in Italia, & Insulis praedictis existentes, necnon Ecclesias per Ordinarios locorum, seu per alios de eorum mandato designandas, & Confessarios ab iisdem Ordinariis approbatos, seu approbandos, spatio trium similiter mensium a die publicationis literarum desuper expeditarum inchoandorum durante, apostolica auctoritate extendimus; praedictisque Christianis fidelibus, necnon Ecclesiis, & Confessariis concessionem, facultates, & indulgentias cum clausulis, & decretis huiusmodi communicavimus, prout in ultimodictis literis in simili forma Brevis sub die 17. Julii proxime praeteriti expeditis, quarum tenores praesentibus pro expressis haberi volumus, plenius continetur.

§.3. Cum autem per abundantiam divinae misericordiae Alma Urbs nostra, ac multae aliae Civitates, & Provinciae non solum S. R. E., verum etiam aliarum ditiorum, & dominiorum temporalium in Italia, & Insulis praedictis existentium, a periculis, & calamitatibus huiusmodi immunes haecenus conservatae, & aliae etiam liberatae fuerint; Nos ut Christiani fideles praedicti celestium miserationum copiosiores fructus consequi valeant, uberius providere volentes, tam praesertim concessionem, quam alias subinde expeditas literas extensionis praefatae cum omnibus, & singulis in eis contentis, concessionibus, facultatibus, indulgentiis, clausulis, & decretis ad infra scriptos tres menses proximos videlicet, Octobris, Novembris, Decembris, quibus durantibus, si omnia, & singula in praesertim literis expressa dicti Christiani fideles adimpleverint, illi omnes, & singulas indulgentias, & peccatorum remissiones cum omnibus facultatibus, gratiis, & indulgentiis praedictis consequi valeant, auctoritate praedicta, tenore presentium extendimus, & prorogamus.

AN. CH. 1630. Modo est prorogata ad alios tres menses.

§.4. Non obstantibus omnibus illis, quae in dictis literis volumus non obstat, ceterisque contrariis quibuscumque. Ut autem praesentes literae facilius omnibus innotescant &c.

Contraria tollit.

§.5. Volumus etiam impressis, manu alicujus Notarii publici subscriptis, & alicujus personae in dignitate ecclesiastica constitutae sigillo munitis, eadem prorsus ubique adhibeatur, quae ipsi presentibus adhiberetur, si forent exhibitae, vel ostense.

Transumptis credi mandat.

Datum Romae apud Sanctam Mariam Majorem sub annulo Piscatoris die 25. Septembris 1630. Pontificatus Nostri Anno Octavo.

Dat. die 25. Septembris 1630. An.VIII.

Subsequitur prorogatio ad alios tres Menses, cum decreto, ut eisdem tribus Mensibus elapsis, quaecumque extensiones, & ampliationes Indulgentiae huiusmodi ad certum tempus factae, etiam eo ipso expirent.

URBANUS PAPA VIII.

Ad futuram rei memoriam.

§.1. Nuper a Nobis emanarunt Literae tenoris subsecquentis, videlicet: Dilectis filiis Clero, & Populo Romano, &c. Omittitur tenor Constitutionis, quia habet supra.

Pontifex edit Constitutionem praesertim.

§.2. Et subinde multorum Venerabilium Fratrum Archiepiscoporum, Episcoporum, necnon dilectorum filiorum nobilium virorum, Ducum, Principum, & aliorum Magnatum in Italia, & Insulis illi adjacentibus existentium supplicationibus Nobis super hoc humiliter porrectis inclinatis, praesertim literas nostras concessionis Indulgentiarum, ac facultatis eligendi Con-

Indulgentiarum ad alios tres menses prorogatio.

Confessarium cum omnibus, & singulis in eis contentis indulgentiis, clausulis, & decretis, ad universos utriusque sexus Christiani fideles, seculares, & regulares tunc temporis in Italia, & Insulis praedictis existentes, necnon Ecclesias per Ordinarios locorum, seu alios de eorum mandato designandas, & Confessarios ab iisdem Ordinariis approbatos, seu approbandos, spatio trium similiter mensium a die publicationis literarum desuper expeditarum inchoandorum durante, apostolica auctoritate extendimus; praedictisque Christianis fidelibus, necnon Ecclesiis, & Confessariis concessionem, facultates, & indulgentias cum clausulis, & decretis huiusmodi communicavimus; & postmodum, tam praesertim, quam alias subinde expeditas literas praedictas cum omnibus, & singulis in eis contentis concessionibus, facultatibus, indulgentiis, clausulis, & decretis ad infra scriptos tres Octobris, & Novembris proxime praeteritos, ac praesentem Decembris menses extendimus pariter, & prorogavimus, prout in aliis nostris sub die 17. Julii, necnon sub die 25. Septembris proxime praeteritorum desuper in simili forma Brevis expeditis literis, quarum tenores etiam praesentibus pro expressis haberi volumus, plenius continentur.

Secunda extensio ad alios tres menses.

§.3. Cum autem per abundantiam divinae misericordiae Alma Urbs nostra, ac multae aliae Civitates, & Provinciae non solum Sanctae Romanae Ecclesiae, verum etiam aliarum ditiorum, & dominiorum temporalium in Italia, & Insulis praedictis existentium, a periculis, & calamitatibus huiusmodi immunes haecenus conservatae, & aliae etiam liberatae fuerint; Nos ut Christiani fideles praedicti celestium miserationum fructus uberius consequi mereantur, per amplius providere volentes, tam praesertim, quam alias subinde expeditas literas praedictas cum omnibus, & singulis in eis contentis concessionibus, facultatibus, indulgentiis, clausulis, & decretis, ad alios duos menses proximos, videlicet, Januarii, Februarii, & Martii, quibus durantibus si omnia, & singula in praesertim literis expressa dicti Christiani fideles adimpleverint, illi omnes, & singulas indulgentias, & peccatorum remissiones praedictas, cum omnibus facultatibus, gratiis, & indulgentiis huiusmodi consequi valeant, auctoritate praedicta, tenore presentium iterum extendimus, & prorogamus.

Contrariis obrogatio.

§.4. Quia vero ad supplicationem nonnullorum Episcoporum, ac Principum, & Rerumpublicarum concessionem, facultates, & indulgentias, & remissiones peccatorum in praesertim literis contentas ad certas Civitates, Dioeceses, Provincias, & loca extra Italiam existentia ad certum tempus extendimus, & ampliavimus; volumus, & dicta auctoritate decernimus, ut tribus mensibus per praesentes prorogatis, ut praesertim, elapsis, omnes, & quaecumque extensiones, & ampliationes gratiarum per Nos factae huiusmodi pariter eo ipso expirent, nulliusque roboris, vel momenti, nec cuiquam ulterius suffragentur.

§.5. Non obstantibus omnibus illis, quae in dictis literis volumus non obstat, ceterisque contrariis quibuscumque.

Suspensio aliarum Indulgentiarum.

§.6. Ut autem praesentes literae facilius omnibus innotescant, volumus ut eorundem presentium transumptis etiam impressis, manu alicujus Notarii publici subscriptis, & sigillo personae in dignitate ecclesiastica constitutae munitis, eadem prorsus ubique fides adhibeatur, quae eisdem ipsis presentibus adhiberetur, si forent exhibitae, vel ostense.

Fides transumptorum.

Datum Romae apud Sanctum Petrum sub annulo Piscatoris die 31. Decembris 1631. Pontificatus nostri Anno VIII.

Dat. die 31. Decembris 1631. An.VIII.

CCCL.

Quod Magister Generalis Fratrum Calceatorum Ordinis B. Mariae de Mercede Redemptionis Captivorum infra quindecim dies confirmare debeat electionem Vicarii Generalis pro tempore Fratrum Discalceatorum Recolletorum ejusdem Ordinis.

URBANUS PAPA VIII.

Ad futuram rei memoriam.

Commisi Nobis per abundantiam divinae gratiae pastoralis officii debitum, postulat, ut in his, per quae Christiani fideles sub suavi Religionis jugo Altissimo famulantium prospero statui, felicique directioni consulitur, sedulo intendamus, eaque statuamus, & decernamus, per quae iidem Christiani fideles litium sublatiis obstaculis in pacis amoenitate reddere valeant Domino abundanter fructus suos.

Proemium.

§.1. Cum itaque, sicut accepimus, inter dilectos filios Fratres Calceatos Ordinis B. Mariae de Mercede Redemptionis Captivorum ex una, & Fratres Discalceatos nuncupatos ejusdem Ordinis ex altera partibus, vertatur lis, & causa de, & super confirmatione Vicarii Generalis praedictorum Fratrum Discalceatorum, instantibus, & petentibus Fratribus Discalceatis huiusmodi, & cum supplici libello Nobis porrecto, & per Nos ad Venerabiles Fratres nostros S. R. E. Cardinales negotiis Regularium praepositos transmissis, illos de cetero amplius juxta concordiam inter ipsos factam, & per sel. rec. Gregorium PP. XV. Praed. nostrum, ac etiam Nos confirmatam, non adstringi, aut teneri petere de electionis confirmationem a dilecto filio Magistro Generali Fratrum Calceatorum huiusmodi, ex quo id fieri non possit, sine magno ipsorum Fratrum Discalceatorum incommodo, & perturbatione, praesertim cum Magister Generalis, etiam sine aliqua iusta causa per binas vices illam concedere recuserit, vel dare distulerit; dictis vero Fratribus Calceatis aliter praetendentibus, rebul-

Causa contraria.

Quod Generalis infra 15. dies confirmet Vicarium Generalem.

rebusque aliis in actis causa, & causarum hujusmodi latius deductis.

§.2. Nos pro nostri pastoralis officii debito paci, & quieti, felicique Fratrum ejusdem Ordinis regimini, quantum cum Domino possumus, consulere volentes, ad diffensiones, quibus Religiosi carere debent, de cetero evitandas, de eorundem Cardinalium consilio, partibus pluries auditis, apostolica auctoritate, tenore presentium perpetuo statuimus, & ordinamus, quod Vicarius Generalis ditorum FF. Discalceatorum pro tempore electus, in signum solius preeminentia dicto Magistro Generali Fratrum Calceatorum hujusmodi in supradicta concordia reservata, infra tres menses a die sue electionis teneatur eandem electionem presentare eidem Magistro Generali Fratrum Calceatorum, qui illam absque aliqua contradictione, vel cognitione super ejusdem electionis validitate, an videlicet canonice facta fuerit, confirmare debeat; si vero id facere recuserit, vel confirmationem predictam a die presentata electionis ultra quindecim dies dare distulerit, dictus Vicarius Discalceatus electus accedat, & recursum habeat pro eadem confirmatione obtinenda ad nostrum, & Sedis Apostolicæ Nuntium in Regnis Hispaniarum commorantem. Distis vero Fratribus, tam Calceatis, quam Discalceatis perpetuum super premissis silentium imponimus.

Decretum irritans.

§.3. Decernentes statutum, & ordinationem nostram hujusmodi, presentemque Literas perpetuo valida, firma, & efficacia fore, & esse, suosque plenarios, & integros effectus fortiri, & obtinere, sicque, & non aliter in premissis perpetuo observari, & ita per quoscumque Judices ordinarios, & delegatos, etiam causarum Palatii Apostolici Auditores, ac S.R.E. Cardinales, etiam de Latere Legatos, distaque Sedis Nuntios ubique judicari, & definiri debere, ac irritum, & inane, si quid secus super his a quoquam, quavis auctoritate, scienter, vel ignoranter contigerit attentari.

Executores deputat, ac mandata nisi transgressores.

§.4. Quocirca dilectis filiis causarum Curie Camera Apostolicæ generali Auditori, ac nostro, & Apostolicæ Sedis in Regnis Hispaniarum Nuntio, ac Officiali Toletano, nunc, & pro tempore existentibus, per presentes committimus, & mandamus, quatenus ipsi, vel duo, aut unus eorum, per se, vel alium, seu alios presentes Literas, & in eis contenta quacumque, ubi, & quando opus fuerit, ac quoties pro parte Fratrum Discalceatorum predictorum fuerint requisiti, solemniter publicantes, eisque in premissis efficacis defensionis presidio assistentes, faciant auctoritate nostra illos premissorum commodo, & effectu pacifice frui, & gaudere, non permittebant illos desuper a quoquam, quavis auctoritate quomodolibet indebite molestari; contradictores quoscumque, & rebelles per censuras, & penas ecclesiasticas, aliaque opportuna juris, & facti remedia, appellatione postposita compellendo, invocato

etiam ad hoc, si opus fuerit, auxilio brahii secularis.

Contrarius derogat.

§.5. Non obstantibus fel. rec. Bonifacii Papæ VIII. Prædecessoris nostri de una, & in Concilio Generali edita de duabus dietis, dummodo ultra tres dietas aliquis auctoritate presentium in iudicium non trahatur, aliisque Constitutionibus, & Ordinationibus Apostolicis, ac quatenus premissis adverteretur concordia prædicta, necnon dicti Ordinis, etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis, sub quibuscumque tenore, & formis, ac cum quibusvis clausulis, & decretis in contrarium premissorum quomodolibet concessis, confirmatis, & innovatis. Quibus omnibus, & singulis, illorum tenores presentibus pro sufficienter expressis habentes, illis aliis in suo robore permanentibus, hac vice dumtaxat specialiter, & expresse derogamus, cæterisque contrariis quibuscumque.

Transumptis etiam jubet.

§.6. Volumus autem, quod presentium transumptis etiam impressis, manu alicujus Notarii publici subscriptis, & sigillo persone in dignitate ecclesiastica constituta munitis eadem prorsus ubique fides in iudicio, & extra adhibeatur, qua presentibus ipsis adhiberetur, si forent exhibitæ, vel ostensæ.

Dat. die 5. Novem. 1630. An. VIII.

Datum Romæ apud Sanctam Mariam. Majorem, sub Annulo Piscatoris die 5. Novembris 1630. Pontificatus nostri Anno Octavo.

CCCLI.

Super concordia inter Præsules, seu Administratores ex una, necnon Præpositos, & Canonicos ex alia, ac Abbatem, & Monachos Ecclesiæ Sancti Ambrosii Mediolani Cisterciensis Ordinis ex reliqua partibus.

URBANUS PAPA OCTAVUS

Ad perpetuam rei memoriam.

Proemium.

Regis Domini cura a Salvatore, & Domino nostro, qui charitas est, & Deus pacis, humilitati nostræ, nullo licet meritorum nostrorum suffragio, commissâ postulat, ut inter gravissimas, multiplicisque apostolicæ servitutis curas, in eam peculiari sollicitudine incumbamus, qua litibus, & controversiis inter Christianos quoscumque, præsertim Ecclesiarum Præsules, & Cardinalatus honore fulgentes, ac personas ecclesiasticas seculares, & regulares exortis opportuna transactionis remedio obviam itur, ut persona ipse ecclesiastica, quæ in sortem Domini vocatæ sunt, divinis ejus obsequiis commodius deserviant in sanctitate, & justitia coram ipso, eique semotis litium impedimentis, tranquilliori spiritu reddant abundanter fructus suos. Unde

his,

Cause hujus Constitutionis.

Promotores concordie.

his, quæ propterea facta fuisse dicuntur, ut perpetua roboris validitate subsistant, & a partibus ipsis inviolabiliter observentur, apostolici muniminis adjicimus firmitatem, prout rebus omnibus matura consultatione pensatis, conspicimus salubriter in Domino expedire.

§.1. Cum itaque, sicut accepimus, a quingentis annis, & amplius inter Ecclesiæ Mediolanensis Præsules, seu Administratores ex una, necnon Præpositos, & Canonicos ex alia, ac Abbatem, & Monachos Ecclesiæ S. Ambrosii Mediolanensis Cisterciensis Ordinis, ex reliqua partibus, qui pro tempore respectively fuerunt, lis, & causa, seu quæstionis materia ratione dictæ Ecclesiæ S. Ambrosii, ac illius domini, & usus, necnon administratione, tam in spiritualibus, quam in temporalibus intentata, & ad hæc usque tempora magno earundem partium dispendio protracta fuerit.

§.2. Cumque nuper dilectus filius noster Fridericus S. Mariæ Angelorum Prefbyter Cardinalis Borromæus prædictæ Ecclesiæ Mediolanensis ex concessione, & dispensatione apostolica Præsul liti, & causæ prædictis suam aliquando amicabiliter imponi desideraret, & dilectus etiam filius Cosinus Reynonus ejusdem Ecclesiæ S. Ambrosii Abbas, & in Italia Congregationis Cisterciensis Præses, pio dilecti filii nostri Francisci S. Agathæ Diaconi Cardinalis Barberini nuncupati, nostri secundum carnem ex fratre germano nepotis hortatu inductus, propensam ejus ad hujusmodi concordiam voluntatem ostendisset, dilecti similiter filii nostri Robertus tituli S. Præcedis Presbyter Card. Ubaldinus Ordinis Cisterciensis apud Nos, & hanc S. Sedem Protector, & Theodorus Sancti Casarii Diaconus Cardinalis Trivultius nuncupati, a Nobis super hoc specialiter deputati, Nobis, & eodem Francisco Cardinale annuentibus, totum hujusmodi negotium dilectis filiis Magistris Martino Aliforo, & Antonio Tornicello in utraque Signatura nostra Referendariis discutendum commiserint; præfati vero Martinus, & Antonius plures super negotio hujusmodi tractatus, presentibus eodem Cosmo, ac dilectis pariter filiis Joanne Baptista Befatio Canonico Mediolanensi, necnon Hieronymo Rampono nostro, & Sedis Apostolicæ Notario, uti præfati Friderici Cardinalis, ac dilectorum etiam filiorum Præpositi, & Canonicorum ejusdem Ecclesiæ Sancti Ambrosii Procuratoribus respectively, necnon Mattheo Moretto ejusdem Theodori Cardinalis Auditore, de illius mandato habuerint, negotioque ipso mature discusso, ac visis omnibus, & singulis juribus, & processibus per Martinum, & Antonium, necnon Mattheum præfatos, & nomine ejusdem Roberti Cardinalis dilectum similiter filium Franciscum Nerlium ejus Auditorem, & facta per eos omnes dictis Roberto, & Theodoro Cardinalibus relatione, habitisque primo coram ipso Theodoro, & succellive coram eo, & prædicto Roberto Cardinalibus super nonnullis capitibus,

quorum resolutio illorum prudentiæ, & iudicio relicta fuerat, diversis Congregationibus, tandem auctoritate eorundem Roberti, & Theodori Cardinalium, & in eorum presentia fuerunt inter dictas partes sub die 21. mensis Septembris proxime præteriti, firmata, & subscripta transactionis, sive concordie capitula tenoris subsequenti, videlicet:

Capitula concordie.

§.3. Capitula concordie inter Eminentissimum, & Reverendissimum, D.D. Fridericum Cardinalem Borromæum, Mediolani Archiepiscopum, & Capitulum Præpositi, & Canonicorum Ecclesiæ Collegiatae, & insignis S. Ambrosii Mediolani, ac Abbatem, & Monachos ejusdem Ecclesiæ, ac Monasterii, quæ infra scriptorum Deputati inviolabiliter, & bona fide observare promittunt. 21. Septembris 1630.

Canonici tam horis diurnis, quam vespertinis teneantur ingredi Chorum per dimidium horæ, antequam ingrediatur Capitulum Metropolitanæ, servata semper ordinaria tabella Illustrissimi D. Archiepiscopi.

In diebus solemnioribus, & præcipue S. Ambrosii, & Sanctorum Gervasii, & Prothasii caveat Capitulum Canonicorum, ne diutius immoretur in Choro, quam par sit, ita ut Monachis remaneat tantum temporis, quo possint congrue eorum vesperas celebrare.

Ritu Ambrosiano, quo Clerus utitur, Monachi utantur in solemnioribus diebus, videlicet a die Dominico in Ramis Palmarum usque ad Dominum in Albis, & in primis Vespers Sancti Ambrosii, & Sanctorum Gervasii, & Prothasii; reliquis vero suo Ambrosiano Monastico, quem vocant, juxta solitum utantur, & in Musicis possint etiam adhibere Instrumenta ad Simphoniam pertinentia.

Unica Missa Sabbathi Sancti, quæ in qualibet Ecclesia celebrari solet, juxta solitum, alternis vicibus, ab unoquoque Collegio celebretur. Monachi nunquam divina celebrare incipiant, donec Capitulum Canonicorum e Choro discesserit.

Tam Canonici, quam Monachi sub quovis prætextu tempore celebrationis divinarum nullum astum faciant, per quem possit ad invicem celebratio impediri.

Liber usus Pontificalium Abbati Monachorum non controversatur in quibuscumque ejus functionibus ecclesiasticis. Sedes Abbatis ad usum Pontificalium exercendorum diebus, quibus Illustrissimus Archiepiscopus solet in Ecclesia Sancti Ambrosii solemniter celebrare, in latere Epistolæ apponatur; cæteris vero diebus Abbas in utroque latere, prout sibi magis libuerit, Pontificalia exercent. Super Sede solita arcuata Abbatis Baldachinum apponatur.

Decreta Sac. Congregationis Rituum; tam quoad numerum Ministrorum, quam quoad alia in solemnibus Abbatis celebratione, seu functione (quæ tamen sunt in usu) observentur.

Illustris.